

आकाशवाणी

1. प्रधानमंत्री नरेन्द्र मोदी होर अज्ज अबुजा च नाइजीरिया दे राष्ट्रपति बोला अहमद टीनुबू हुंदे नै मलाटी करगंन, दौनें मुख्य बयकार केई समझौते होने दी बी मेद ऐ।
2. महाराष्ट्र ते झारखंड च चुनां प्रचार तेज होई गोआ ऐ, सब्बै सियासी पार्टियां मते शा मते मतदाताएं गी अपने पक्ख च करने लेई पूरी टिल्ल ला करदियां न।
3. एलन मस्क दी स्पेस-एक्स मंगलवारें अमरीका दे केप कैनावेरल थमां भारत दे संचार उपग्रह जी-एसएटी-20 दा प्रक्षेपण करोग।
4. अमरीका दे नमें चनोए दे राष्ट्रपति डोनाल्ड ट्रंप होरें क्रिस राइट गी अपनी सरकार च ऊर्जा विभाग दा अध्यक्ष बनाने दी घोषणा कीती।
5. चीन च जियांगसू प्रांत दे यिक्सिंग शैहरा च इक नोजवान आस्सेआ अंजाम दिक्ती गेदी चाकूबाजी दी इक घटना च 8एं जनें दी मौत जे 17 जख्मी।
6. महिला एशियाई चैंपियन्स ट्रॉफी च ग्रुप स्टेज दे खीरले मैच च भारत दा मकाबला जापान कन्नै होग।

<><><><><><>

PM-Nigeria

प्रधानमंत्री नरेन्द्र मोदी होर अज्ज अबुजा च नाइजीरिया दे राष्ट्रपति बोला अहमद टीनुबू हुंदे कन्नै मलाटी लांगन। दवै लीडर भारत ते नाइजीरिया बश्कार रणनीतिक सांझ भ्याली दी समीक्षा करगंन ते दपक्खी सरबंधें गी अगड़ा बधाने दे होरने उपाएं पर बी गल्ल बात करगंन। एहदे मगरा नेके समझौते पर दस्तखत होने दी मेद ऐ। श्री मोदी हो दऊं दिनें दे दौरे लेई कल रातीं नाइजीरिया पुज्जे हे। 17एं बरे दरान भारत दे कुसै बीप.धानमंत्री दी एह नाइजीरिया दा पैहला दौरा ऐ। अपने दौरे दे दुए गेड़ च प्रधानमंत्री होर कल ब्राजील लेई रवाना होंगन। जित्थें ओ जी-20 शिखर सम्मेलन च शामिल होंगन। ब्राजील दे राष्ट्रपति लुइस इनासियो लूला दा सिल्वा इस सम्मेलन दी मेजबानी करगंन। भारत, ब्राजील त दक्खन अफ्रीका कन्नै जी-20 ट्रोइका दा हिस्सा ऐ ते जी-20 शिखर सम्मेलन दिएं चर्चाएं च हिस्सा लै करदा ऐ। सम्मेलन दरान प्रधानमंत्री मोदी होर बक्ख-बक्ख वैश्विक मुद्दें पर भारत दा नजरिया पेश करगंन ते हाल च गै भारत च लगे दे जी-20 ते वायस ऑफ द ग्लोबल साउथ शिखर सम्मेलन दे नतीजे दी बी चर्चा करगंन। अपने दौरे दे त्रीए ते खीरले गेड़ च प्रधानमंत्री 19 थमां 21 नवम्बर तगर गुयाना दे सरकारी दौरे पर होंगन।

<><><><><><>श

Campaigning

महाराष्ट्र ते झारखंड विधानसभा चुनां आस्तै प्रचार तेजिया कन्नै जारी ऐ। महाराष्ट्र च चुनां प्रचार दे होर दो गै दिन रेही गेदे न। बक्ख-बक्ख राजनीतिक पार्टिएं दे नेता मतदाताएं गी आकर्षित करांरदे न। केन्द्री मंत्री ते बीजेपी दे वरिष्ठ नेता अमित शाह होर गड़ चिरोली, वर्धा ते नागपुर च रैलिएं गी संबोधत करगंन। केन्द्री मंत्री नितिन गडकरी होर नासिक, अहिल्यानगर ते मुंबई च सार्वजनिक जनसभाएं गी संबोधत करगंन। एनसीपी दे प्रधान अजीव पवार होर बी अहिल्यानगर, पुणे, सतारा ते कोलहापुर च प्रचार करगंन। कांग्रेस नेता मल्लिकार्जुन खरगे, प्रियंका गांधी ते एनसीपी शरद पवार ते शिव सेना उद्धव ठाकरे बी अपने मेदवारें लेई चुनां प्रचार करगंन। तोआई झारखंड च बी चुनां प्रचार कल मुक्की जाग। बक्ख-बक्ख राजनीतिक पार्टिएं दे नेता मतदाताएं गी

आकर्षित करने च कोई कसर बाकी नेई छोड़ा दे न। बीजेपी दे अध्यक्ष जे.पी.नड्डा होर गोमिया, सिंदरी ते नाला च अज्ज त्रै चुनां रैलिंग गी संबोधत करगन। दूए गेड़ च झारखंड मुक्ति मोर्चा दे वरिष्ठ नेता ते मुख्मन्त्री हेमंत सोरेन होर राज्य भर च 6 रैलिसां करा'रदे न। कांग्रेस नेता ते आरजेडी दे तेजस्वी यादव बी जनसभाएं गी संबोधत करगन। बीजेपी दे केई वरिष्ठ नेता जिंदे च शिवराज सिंह चौहान, हिमंत बिस्व सर्मा ते चंपाई सोरेन शामिल न, राज्य दे बक्ख-बक्ख विधानसभा खेत्तरे च एनडीए लेई चुनां प्रचार चशामल होआ'रदे न।

<><><><><><>श

ISRO

एलन मस्क दी स्पेस-एक्स मंगलवारें अमरीका दे केप-कैनावेरल थमां भारत दे संचार उपग्रैह जीएसएटी-20 गी लांच करोग। भारतीय अंतरिक्ष अनुसंधान संगठन इसरो दे अध्यक्ष एस.सोमनाथ होरें दस्सेआ ऐ जे स्पेस-एक्स दा फाल्कन-9 इसरो दे जीएसएटी-20 दा प्रक्षेपण करोग। एहदे 14 ब'रें तगर कम्म करदे रौहने दी मेद ऐ। जो-सैट-20 गी, जी-सैट-एन-2 बी आखेआ जंदा ऐ, ओ पूरे मुल्खे च बक्ख-बक्ख चाल्ली दियां सेवा उपलब्ध कराग जिंदे पर दूर दरेड़े इलाके लेई तेज रफ्तार आली इंटरनेट सेवा उपलब्ध कराना बी शामिल ऐ। 4 ज्हार 100 किलोग्राम वजनी जीएसएटी-20 भारत दे सब्बने शा भरै उपग्रैहें चा इक ऐ।

<><><><><><>श

Trump

अमरीका दे राष्ट्रपति चुने गेद डोनाल्ड ट्रंप होरें घोषणा कीतो ऐ जे क्रिस राइट होर हुंदी सरकार च ऊर्जा विभाग दे अध्यक्ष होंगन। क्रिस राइट जेहड़े लिबर्टी एनर्जी दे संस्थापक ते सीईओ न, ओह खनिज ईधनें दी बरतून दे समर्थक न ते तेल ते गैस दा उत्पादन बधाने दे ट्रंप हुंदे लक्ष्येंग ी पूरा करने दा सक्षम होंगन। एहदे अलावा ट्रंप हुंदी जलवायु परिवर्तन बक्खी उदासीनता दा बी राइट होर समर्थन करदे न। राइट होर जलवायु परिवर्तन दी चिताएं गी खारज करदे न ते उंदा आखना ऐ जे इस मुद्दे गी बधाइयै चढाइयै दस्सेआ जा'रदा ऐ।

<><><><><><>श

Trump-Zelenski

यूक्रेन दे राष्ट्रपति वोलोदिगिर जेलेन्स्की होरें आखेआ ऐ जे अमरीका दे नमें चुने गेदे राष्ट्रपति डोनाल्ड ट्रंप हुंदे नेतृत्व च यूक्रेन च रूस दा हमला तौले बंद होई सकदा ऐ। जेलेन्स्की होरें जंग करी बने दे कठन हालात दी गल्ल गी मन्नदे होई आखेआ जे रूस गी लड़ाई च सैनिकें ते थेआरें दे मामले च लाह थहोआ ऐ। ट्रंप नै अपना चुनां प्रचार दरान आखेआ हा जे ओह इक दिने दे अंदर लड़ाई बंद कराई सकदे न।

<><><><><><>

PM-Ek Ped

प्रधानमंत्री नरेन्द्र मोदी होरें एक पेड़ मां दे नाम अभियान गी असरदार बनाने च सैहयोग देने आले सब्बने लोकें दा धन्नबाद कीता ऐ। श्री मोदी होरें सोशल मीडिया पर लोकें अगगे अपील कीती जे ओ अपनी मां दे मानै च इक रूक्ख लान ते धरती गी बेहतर थाहर बनाने च अपना योगदान देन।

<><><><><><>श

China Attack

चीन च जियांग्स प्रांत दे इक व्यावसायिक स्कूल च चाकू कन्नै कीते गेदे हमले च 8 जनों दी मौत हाई गई ते 17 दुए घायल होई गे न। एह हमला चिक्सिंग शहरे च कल संजा कोई साढ़े 6 बजे दे कोलकाल होआ। पुलसै जानकारी दित्ती ऐ जे हमलावर गी फगड़ी लैता गोआ ऐ ते उन्नै अपना जुर्म कबूल करी लैता ऐ। पुलसै दस्सेआ जे हमलावर वूशी वोकेशनल इंस्टीच्यूट ऑफ आर्ट्स एंड टेनालोजी दा विद्यार्थी रेही चुके दा हा। इस ब'रे ओह्दी पढ़ाई पूरी होनी ही, पर ओह् पिछले ब'रे गै फेल होई गोआ हा। घायलें दा इलाज चलै करदा ऐ। अजें किश रोज पैहले गै जुहाई च 62 ब'रे दे इक आदमी नै अपनी गड्डी भीड़भाड़ आले इलाके च लोकें पर चाढ़ी दित्ती ही जेह्दे च 35 लोकें दी मौत होई गई ही।

<><><><><><>

Women Hockey

महिला एशियाई चैंपियन्स ट्रॉफह हॉकी च भारत दा मकाबला अज्ज खीरी गुप स्टेज च जापान कन्नै होग। एह मकाबला बिहार दे राजगीर हॉकी स्टेडियम व संजा 4 बज्जियै 45 मिंटे पर शुरु होग। भारत नै महिला एशियाई चैंपियन्स ट्रॉफी दे अजें तोड़ी दे बक्ख-बक्ख मकाबलें च शानदार जित्त दा सिलसिला जारी रखदे होई कल चीन गी 3-0 कन्नै हराइयै उपरोतली चौथी जित्त दर्ज कीती ऐ। इस जित्त दे कन्नै गै मेजबान भारतीय टीम 4 मैचें च 13 अंक हासल करियै पैहले नंबर पर बनी दी ऐ। तोआई कल जापान नै मलेशिया गी 2-1 कन्नै हराइयै इस चैंपियनशिप च अपनी पैहली जित्त दर्ज कीती।

<><><><><><>श